

# Lucifers Sendbrief/

an die vermeinten Geistlichen/ vor

140. Jaren geschriben/ Durch Nicola-  
um Dren.

Verdeudscht.

Mit einer Vorrede/ M. Flacij Illyrici.

Roma. 1.

Darumb hat sie Gott dahin gegeben im ihrer her-  
gen löste/um vnreinigkeit/zu schenden ihre eigene leibe an  
sich/sals/die Gottes warheit habē verwandelt in die lö-  
gen/vnd haben gehret vnd gedienet dem Gescheppf mehr  
dā dem Schepffer/der da gelobet ist in Ewigkeit.  
darumb hat sie auch Gott dahin gegeben  
in schendliche löste.

M. D. L.

# Einleitung

an die Herren Mitglieder des Vereins

1. Der Zweck des Vereins ist es, die

2. Die Mitglieder des Vereins sind

3. Der Verein ist ein Verein von

4. Der Verein ist ein Verein von

5. Der Verein ist ein Verein von

6. Der Verein ist ein Verein von

7. Der Verein ist ein Verein von

8. Der Verein ist ein Verein von

9. Der Verein ist ein Verein von

10. Der Verein ist ein Verein von

11. Der Verein ist ein Verein von

12. Der Verein ist ein Verein von

13. Der Verein ist ein Verein von

14. Der Verein ist ein Verein von

15. Der Verein ist ein Verein von

16. Der Verein ist ein Verein von

17. Der Verein ist ein Verein von

18. Der Verein ist ein Verein von

# Matthias Flacius

Illyricus / wündschet dem Christ-  
lichen Leser rein erkentnis Christi/ vnd  
bestendig bekenntnis.

**E**st furwar schrecklich  
zuhören/ vnd schier nicht glaublich  
zusagen/ das etliche Leut/ die noch  
ihre fünff sinne haben/ so graw-  
sam böse sein/ das sie sich wissen-  
lich vnd mutwilliglich widder den Allmechtigen  
Gott setzen/ vnd zu dem ewigen verdamnis lau-  
ffen. Noch dennoch geschihet solchs/ wie die er-  
farung klerlich ausweist. Denn wir sehē fur au-  
gen/ das des Antichrists diener/ die mañ die geist-  
lichen nent (ich rede hie inn gemein vom grossen  
hauffen/ sag nicht/ das vnter hundertten nicht ei-  
ner oder zween möchtē gefunden werden/ die sol-  
che thaten vnd rasenheit von hertzen hassen) all  
ihr thun vnd leben dermassen anstellen/ als wes-  
ren sie vorsetziglich Gottes feinde vnd eitel hellis-  
che Teuffel.

Denn laßt vns nur ihren glauben ansehen.  
Sind sie nicht alle entweder Epicurer / welche  
nach keinem andern Gotte fragen den allein nach  
dem Bauch/ wie sich der Cyclops im Euripide  
hoch rümbt/ oder weils gleisner sind/ brennen vor  
Teufflischē has widder den Son Gottes? Das  
A ij erste

erste/nemlich das sie Epicurer vnd Gottlos sind/  
kan man daraus vernemen / das / wiewol sie  
Keuscheit zuhalten geschwören habē/ so besuden  
sie sich doch nichts desto weniger teglich/nicht als  
lein mit fleischlicher wollust widder iren eid/ son-  
der/ weñ sie mit allem vnflat beschmeinst vnd be-  
fleckt sind / so dürffen sie noch sein sicher dazu  
sein/etliche pfenninge nemen vnd eine Mess hal-  
ten/darinn sie (wie sie sagen) den Son Gottes/  
dem Vater/schepffer himels vnd erden/opfern.

Wie bedenck du selbs mein lieber Christ / ob  
auch ein solcher mensch glauben könne das Gott  
lebe/ weil er so schendlich beschmiszen ist / vnd  
dennoch in einer solchen hohen sache/mit Gottes  
den er so manigfeltiger weise erzürnt hat/so leicht-  
fertig handeln darff/vnd sich nicht fürcht / das  
ihn Gott denselben augenblick mit dem Donner  
inn abgrund der Helle stürzen möchte?

Das sie aber Geisner sein / kan man daraus  
gewis schliessen/das sie (wiewol sie wissen/das  
nur ein einiger Mittler vnd seligmacher ist vom va-  
ter gegeben/durch welchen die Busfertige durch  
den glauben von Gott angenomē vnd selig wer-  
den) gleichwol gar nicht leiden können/das man  
die armen leut auff diesen einigen Mittler weis /  
vnd lere/das kein ander name vnter dem Himel  
sey/badurch die menschen selig werden/ Sonder  
stossen Christum aus seinem Ampt / vnd setzen  
sich als Mittler an seine stadt/ geben vor/das sie  
durch ihre Messen/Orden/Bullen/Kappē/ plat-  
ten/vnd mit ihren allerheiligsten operibus superro-  
gationis/die Leut vom zorn Gottes/ von der Höl  
vnd



vnd gewalt des Teuffels erlösen/ zu Gottes gnaden vnd ewiger seligkeit bringen können.

Sie sind auch an viel orten viel besser zu frieden/wenn einer Gotte lestert/ denn wenn er sagt/ das Christus vnser einiger erlöser sey. Die Jüden/ die one vnterlas Christum lestern/ vnd feinde des Euangelij sind/ können sie wol leiden/ Die Christen aber/ die da bekennen/ das kein ander Name vnter dem himel sey/ verfolgen sie mit Schwerd vnd Feuer.

Über das lassen sie sich auch oft aus ire Gots lesterlichen rachen hören/was für Teufflich giff sie im hertzen haben. Als auff dem Reichstag zu Augspurg vor zwenzig Jaren/ hat ein Bischoff vber laut geschrien/ Dette ich Paulum/ich wolt ihn an ein Baum hengen. Item ein Münch Benedicter ordens in ein Closter/ als ihn die andern Mönche/welche die lehr verstunden/vermaneten/das er sich doch nicht so setzen solt widder das Euangelium/ welchs durch Gottes gnade widder an tag bracht/ vnd die ewige stim were des heiligen Geistes/welcher durch die Patriarchen/Propheten/ Christum vnd die Aposteln geredet hatte/Da hatt er letztlich diese rasende wort ausgesprochen/ Was frag ich nach Christo vnd dem Euangelio? Ich halt meine Regel/ vnd will dadurch selig werdē. Er hat aber sein lohn bald empfangen/ vnd ist des gehenden todes gestorben.

Solch Teufflich giff ist zu allen zeitten gewesen/ ist noch heuttigs tags/vnd wird hernachmals auch sein in aller Gleisner hertzen. Denn es thut ihnen weh/ das man sie nicht will für

Mittler vnd Seligmacher halten / sonder Christen  
an ihre stat setzet.

Aber dis sey gesagt von irem glauben vnd der  
ersten Tafel. Nu wollen wir sie auch verhören in  
der andern tafel. Ist's auch möglich das sie iren  
nehesten / ihre eltern vnd vaterland lieben können /  
weil sie nu eine lange zeit sich so gantz höchlich  
bemühet haben / der obersten regenten schwerter  
von den Türcken inn die Christen / ire bürger vnd  
blutsuervandten / zuwenden / vnd nu so hoch  
stoltziren / als hetten sie es auff's aller beste ausge-  
richt / das sie endlich / ein frembde / Teuffelisch /  
vnstetig / viehisch volck inn ihr eigen vaterland ge-  
bracht haben / vnd fur ihren augen sehen / wie jam-  
merlich alles verwüestet / beschmeisset / vñ in diensts-  
barkeit gebracht wirdt? O ihr eiserne / ja viel mehr /  
mit hellischem giffte durchzogene hertzen.

Was ihren vberflus vnd fleischliche luste be-  
trifft / dauon kan nimmermehr genug gesungen  
noch gesagt werden / welchs Sadoletus selbs oft  
bekant hat / vnd bezeuget / das D. Luther noch  
nie genug von dem schendlichen leben der geistli-  
chen geredt habe. Wolan / wir wollen ihre an-  
dere / schendliche stinckende thaten nicht erzelen /  
allein betrachte ein jeder bey sich selbs / die löbliche  
that / die newlich ein Bischoff (wie mann wol  
weis) geübt hat / das er mit seinen Thumbhern ge-  
zecht hat / vnd hat ihm eine nackete fraw müssen  
zu tisch dienen .

Summa die scheuslichen vnstetigen Meers-  
wunder (denn es sind nicht mehr menschen) ha-  
ben bisher ein gar Teufflich leben geführt vnd für-  
rens

rens noch heut bey tag/ Mit liegē vnd triegen/ wie  
inn ihren rechten vnd lehr zusehen/ Mit morden /  
weil sie one vnterlas kriege erwercken vnter den  
Christen. Vnd was sol man viel sagen: sind sie  
doch mit ihren schendlichē lusten vnd vnflätigem  
leben dem leibhafftigen Teuffel so ehnlich/ das  
einer drauff schweren solt / sie weren von ihrem  
Vater dem Teuffel selbs gezogen vnd geboren.

Derhalben/ weil ich newlich hie zu Magde-  
burg im Barfusser Closter / ein sendbrieff Lucis-  
fers/ an die geistlichen/ vor 140. Jaren/ von ei-  
nem mit namē Nicolaus Dren gemacht/ gefun-  
den habe (welchen ich noch allezeit vorlegen kan)  
so hab ichs für gutt angesehen/ das er gedruckt  
wurde/ auff das die Christen mercken möchten /  
das des Antichrists diener nicht jtz allererst an-  
fahē/ sonder nu eine lange zeit her dermassen ge-  
lebt vnd gehandelt haben/ wie die rechten Auto-  
cratitici (wie sie Paulus uennet) das ist / wie die  
jenigen/ die da wissen das sie vbel handeln/ zweis-  
feln auch nicht / sie müssen ins Wellische feuor /  
vnd wollen derhalben ihre gute tag inn diesem le-  
ben haben/ vnd nach dem sprichwort/ die hell nur  
wol verdienen. Solche vnreine geister wollen Wir-  
ten sein vber vnser seelen / vnd vns den weg zum  
ewigen leben weisen. O du arme Kirch/ o ihr ras-  
senden vnd blinden Epicurer / die ihr euch jtz  
solchen wolffen / zuweiden/ zu regieren / vnd zu  
fressen vnterwerffet.

Ach es kan doch furwar eim mēschen nichts  
ergers widderfaren/ kein mensch kan schwerliche  
er von Gott gestrafft werden / denn so er inn ein  
solchen

solchen verfahren sinn gegeben wird / das er wissentlich vnd mit willen den Son Gottes vnd die Christen verfolget / Vnd vber das auch sonst in seinem gantzen leben / sich dem Teuffel / dem feinde Gottes / mit aller vnzucht / sünde vnd schande gleichförmig macht. Denn dis ist die straff / das mit (wie Paulus sagt) die Abgöttischen gestrafft werden.

Drumb sollen alle Gottfürchtigen / die da begern selig zu werden / solche Leut verfluchen vnd ein grewel vor ihnen haben / sintemal sie solche zeichen des Göttlichen gerichtts an ihnen sehen / Vnd sollen sich nicht verwundern vber irem glück / welchs doch bald ein ende nimpt / Auch sich in keinem weg ihnen anhengig machen / sonder für ihnen fliehen / vnd von gantzem hertzen vor Ihn erschreckē / wie für dem Teuffel selbs / Auff das sie nicht auch mit ihnen im Feuer des Göttlichen zorns verbrennen.

**Folget Lucifers Sendbrieff / an die  
vermeinte Geistliche  
Prelaten.**



**Ihr Lucifer / Fürst**

der finsternis / Regierer der tiefen trawrigkeit / Keiser des Delliſchen ſpuls / Hertzog des ſchwebelwaffers / König des abgrunds / Verwalter des Delliſchen ſewrs / entbieten allen vnd iglichen vnſers Reichs Mitgenoſſen / Kindern der hoffart / welche ſich frewen ihrer miſſethat / vnd ſich rhümen wenn ſie böſes thun / zuuoraus aber / euch Biſchofen / Prelaten / Thumherrn / Geiſtlichen / vnd allen andern / wes weſens Wir den oder ſtandes ſie ſein / Von welchen die vngerechtigkeith herſtucht / von welchen Chriſtus durch den Propheten ſagt / Ich haſſe die verſammlung der vbeltheter / Vnſern grus / damit Joab den Abner grüßete / welchen wir euch gleichermäſſen auch wündſchen / ſintemal ihr vnſerm befehl gehorſam leiſtet.

Denn ihr ſeid aus dem vater dem Tenffel / vnd thut die werck ewers Vaters / vnd gleich wie ihr angefangen habt ewers Vaters geſetzten gehorſam zu ſein / alſo hebt ihr auch an alles auffſ ergſte zuuerkeren / vnd nach laut vnſerer rechte / die weiber zuſchenden / Ehebrechen / Durntreiben vnd dergleichen / die ſenigen aber die dawidder reden / durch vnſere gewalt vnd Tyranny / on einiſge Linrede oder Appellation vnterzudrücken.

Dem nach thun wir euch zuwiſſen / nach dem die Statthalter Chriſti / zu welchen ihr trötziglich ſagt / Weicht von vns / wir wollen ewre weiſheit nicht / nu eine lange zeit her / den fuſtapffen Chriſti nach



si nachgefolgt/von zeichen vnd thaten krefftig ge  
wesen sind/vnd inn ein armseligen leben/ welches  
ihr verachtet/wandeln/Nach durch ihre predigē  
vnd thaten/ihre lehr ins werck setzen/wie sie denn  
aus dem leben vnd lehr Christi ihres meisters/vn  
sers widdersachers/gelernt haben(ihr aber/dar  
rumb ihr vns auch die liebsten seid/die lehr der ihr  
euch rühmet/mit dem werck gar nicht beweiset/  
wie jener sagt/Sie sagen viel vnd thuns nicht)so  
hatten sie schier die gantze welt von vnserm Ty  
rannischen joch auff ihre lehr vnd leben gezogen/  
zu grossem hohn vnd verachtung vnseris Delli  
schen reichs/Es ist auch/die warheit zusagē/vn  
serer Jurisdiction vnd Regiment nicht eine gerin  
ge verkleinerung/schadē/nachteil/ vnd beschwer  
nis/ das sie für vns vnd vnsern mitnerwandten  
sich nicht gefürcht/ noch einige schew getragen  
haben für vnserer schrecklichen Maiestat/Sinte  
mal sie auff einen starckē fels Ihesum Christum  
gebawet warē.Daher war es auch so fern kom  
men/das wir zu jener zeit/gar keinen Tribut noch  
einkommen von der Welt empfiengen/Es kamen  
auch die Selen nicht mehr so heuffig zu der thür  
vnser abgrunds gelauffen/Sonder der breite of  
fene weg/welcher zum Tode füret/war gantz still  
on alles trappen/ward von keines elenden füßen  
getreten/Summa/vnser gerichtshaus stand gantz  
ledig vnd muste feiren/die Dell heulete/senffzte/  
war bekümmert/ vnd beraubt.

Als nu die rasende wütigkeit vnser hertzen  
solchs/vermarckte/besorgten auch/ wir möchten  
durch obgenante statthalter Christi noch weiter  
beschwert



beschweret werden / da wolten noch k<sup>ö</sup>nten wir  
solche beschwernis nicht lenger dulden oder lei-  
den / Sonder berufften / solchen vn<sup>r</sup>ath vnd ge-  
fahr forthin vorzukommen ein General Conalliū  
mit vnsern verwandten / welche inn aller schalck-  
heit abgeectt sein / vnd ihrer bosheit halben / für  
den stadthaltern Christi vnd ihren nachfolgern /  
vnserm rechten nach / den vorzug haben wollen /  
Vnd haben also nach derselben rath an euch / die  
ihr itziger zeit verweser der Kirche seid / appelliret /  
vnd vns auff euch beruffen / in betrachtung / das  
mann bey vielen erfarnē leichtlicher denn bey an-  
dern rath finden kan / Denn ihr / O ihr geliebten /  
ihr Fürsten der vngerechtigkeith / ihr vntrewe schel-  
men / ihr diebsgenossen / die ihr itzt vber die Kirch  
ewers gefallens regiert vnd herschet / sprecht den  
Gottlosen gerecht / nempt gelt vnd verfelscht die  
gerichte / wie vnser widdersacher Christus von  
euch gesagt hat / als er spricht / Sie haben regiert /  
aber nicht aus mir / Welche wir / durch vnser vns-  
begreifflche listigkeit vnd gewalt / durch welche  
wir herschen von einem Meer bis zum andern / zu  
richtern gesatzt habē / das ihr wegnembt vñ aus-  
rott alle pflantzten / die inn vns keine frucht brin-  
gen / pflegt nach vnserm Decret vnd aus gunst  
gegen vnserm teil die Appellation damit wir vbel  
Procedirt haben zu rechtfertigen / vnd vnser sache  
für recht zuerkennen / wie dann auch inn diesem  
fall vnd allezeit geschehen. Derhalben wir vns  
gegen euch höchlich bedancken / vnd / so viel wir  
loben können / euch auch loben .

O ihr allerliebsten / auserwelten zuckermünd-

B ij

lein /

lein / ihr Prelaten vnd Herrn der Kirche / thut ihr  
doch nach ewrem höchsten vermögen / alles was  
für vnsern augen gefellig vnd angenehm ist .

Darumb wollen wir auch / ewer vbersch-  
wencklichen bosheit halben / das jr den obgemei-  
ten vnsern widdersachern / den Aposteln vnd ihren  
nachfolgern / vorgezogen / vnd die obersten in der  
Kirche sein sollet. Denn ihr begert der Kirche vor-  
zustehen / nicht zu ihrem nutz / sonder zu ihrem  
schaden / Vnd wiewol ihr der Leute heil nicht ach-  
tet / so wolt jr doch das sie euch auff's aller eusserst  
vnterworffen sein sollē / vnd handelt hierin als die  
ehrgeitzigen buben. Denn die Würde darin ihr  
sitzt / macht euch nicht würdig / sonder zeigt viel mer  
an / das ihr diebe / reuber / Trunckenbold / vnd vn-  
würdige lauren seid.

Wir haben vnserm widersacher Christo auff  
ein mal alle reiche der welt verheissen / wenn er  
nur niderstiehe vnd vns anbete / Er wolte aber ni-  
cht / sonder sprach / Sein reich were nicht von dies-  
ser welt / Er were nicht kommen / das mann ihm  
dienen solte / sonder / er wolte den Leuten dienen /  
Item / er entweich / da ihn das volck zum weltli-  
chen Könige machen wolte. Aber ihr vnserer mit-  
bürger / wolt oben an sitzen / habt gern das mann  
euch auff der gassen vnd marckt grüßet / begert  
das euch jederman ehren vnd Rabbi heissen soll.  
Denn ihr seid die jenigen die aus der gnade gefal-  
len sein / von freuden in trawrigkeit / vom leben in  
Tod / Vnd dienet vns vnd vnserm anhang auff  
erden nach all vnserm willen / vnd nach ewrem  
besten vermöge. An euch ist erfüllet die verheissung  
die

die da saget/ Sit werden gehen zum geschlecht  
ihrer Väter/vnd in ewigkeit das liecht nicht sehen.  
Denn ihr habt jetzt die reiche der welt/welche wir  
euch/als vnsern lieben getrewen/gegeben habē/be  
schle euch auch in andern sache vnser ampt auff  
erden/ habens euch auch allgerait befohlen / bis  
wirs widder zu vns nemen/ denn Christus vnser  
kempffer hat von vns gesagt/wie ihr wiisset/ Es  
kômpt der Fürst dieser welt etc. Vnd wil/ das wir  
vber alle Kinder der hoffart regiren sollen/ welch  
es reichs kein ende sein wird.

Vorzeiten wurden die obgemelten vnserer wid  
dersacher/nemlich/ die Merterer/Propheten/ A  
posteln/Confessorn/Jungfrawen vnd dergleich  
en/den Fürsten dieser welt in zeitlichen sachen vns  
terworffen/vnd begaben sich in tod für die gerech  
tigkeit / Ihr aber /die ihr euch teglich in bancke  
tim / fressen vnd sauffen weltzet/ vnd one vns  
terlas ewrē hals durchschwenmet /sagt/O quan  
ta patimur pro Ecclesia Dei,O wie grosse not leiden  
wir für die Kirche/Ja für den ewigen Tod. Freß  
nir weiblich/sauft/vñ lebt nach all ewrem wol  
gefallen/Denn ewer verdammnis wird euch schnel  
vberfallen.

Es lereten auch die Mennner Christi freunde /  
die wir droben erzelt haben/ nicht allein mit dem  
munde/sonder auch mit dem werck/ Seid vnters  
than aller menschlichen ordnung vmb des Herrn  
willen / Es sey dem König als dem obersten etc.  
Vnd noch ein mal/Behorchet ewren Lerrern. Denn  
so hat ihn ihr meister befohlē als er sagt/die Könige  
der erden werden herschen/vnd die gewältis

gen nennet mann gnedige Herrn/Ihr aber liebt  
getrewen nicht also/Ihr solt euch nicht schewen/  
ewre hörner enipor zuheben/oder widder Gott vñ  
seine heligen Gottlos gewesch zutreiben. Vnd  
wie gesagt /Christus sampt den seinen furte ein  
armselig veracht leben/ in steter mühe vnd besch-  
wernis/Ihr aber nicht also/Sonder seid prech-  
tig/treibt vngbürlliche wollust/seid geitzig/süch-  
tig /ehrgeitzig /ewern Dorfarn nicht allein vñ  
gleich/sonder gar zuwidder/mit sitten vnd leben/  
Spottet ihr/vnd wollet ewre schande mit ihnen  
vergleichen vnd zudecken/Besitzt aller welt güter  
vnd hoffart/vnd wolt doch den leuten eine nase  
machen/als weret ihr arm vnd betler. Doch ist  
war/ihr seid arm am rechten einkommen vnd gel-  
de/nemlich / an der gnade vnd ewigen leben.

Dem Keyser gebt ihr auch nicht was des  
Keisers ist/noch Gotte was Gottes ist/Nur alles  
in ewren sack. Ja/ihr habt nach laut ewer De-  
creten beyde schwerter/mengt euch inn weltliche  
sachen/verwirt euch mit weltlichen hendeln/seid  
vnser Kriegsleute/tödtet das thier das noch leben  
könte/vnd das nicht leben kan/wollet ihr lebens-  
dig machen/bringt die leut inn armut/steigt im-  
mer höher vnd höher/bis ihr zu letzt gar oben an-  
kompt/vnd endlich mit henden vnd füßsen zusam-  
men gebunden/vnd hinunter gestürzt werdet an  
den ort/da heulen vnd zeentlappern ist. Denn sin-  
temal ihr gewaltig seid wordē durch vns/so wer-  
det ihr auch vnser Marter leiden müssen. Ihr  
kompt zu den höchsten wurden/durch vnser prac-  
tiken/betriegliche anschlege/gleisnerey/heuchele-  
vnd

vnd lügen / durch verret erey / durch meinelid / be-  
trug / simoney / vnd andere schalckheit. Schalck-  
heit sag ich / die kein auge je gesehen / kein ohr ge-  
hort / keins menschen hertz ausdencken kan / vnd  
erhebt ewere stende höher / denn vnser Teuffelin-  
ne in der Welle selbs thun können. Vnd wenn ihr  
gleich so hoch kommen seid das ihr nicht höher  
könt / so last ihr euch doch noch nicht genügen /  
sonder seid viel hungeriger denn zuuor. Darumb  
laufft ihr von einer bosheit zu der andern / die  
noch erger ist denn die vorige / vnterdrückt die ar-  
men / ja / ihr wolt sie weder hören noch sehen.

Ein armer der euch nichts bringt / wird nicht  
allein veracht vnd nicht gehort / sonder wird wid-  
der die warheit mit gewalt vntergedrückt vñ vber-  
rumpelt. Denn so er kömpt / vnd euch seiner ge-  
rechtigkeit vnd rechts halben zu fus felt / so hört  
ihr ihm etwa ein wenig zu. Wenn er aber ihm  
vnd seinem rechten zu gut / die rechte vnd gesetz  
herfür zeucht / so sagt ihr / Dalts maul du grober  
filtz / du weißt nicht was du widder die gewonheit  
vnd proces vnser Pallasts vnd Römischen hofes  
planderst. So er aber die gewonheit vnd process  
ewers hofes anzeucht / Antwortet ihr / Troll dich /  
was wiltu machen ? wie darffstu so kün sein / vnd  
dich widder die gesetz vnd Canones auflenen ?  
Also wies ein armer mann angreiff / so begeg-  
net ihr ihm allezeit vberzwerch.

Alles reißt ihr zu euch / alles verkeret ihr / seid  
auffgeblasen von hoffart / lebt auff das aller aus-  
bündigst / verzert ewer leben in wollust vnd fleisch-  
lichen werken. Ihr rufft euch selbs aus / macht  
ewre



ewre namen rüchthar in allen Landen / wollet  
Vater / heilige götter / vnd die allerheiligsten ge-  
nant sein. Dann ewere namen sind ausgelöscht  
aus dem buch der lebendigen / vnd werdē mit den  
gerechten nicht geschrieben werden. Die gütter  
aber die ihr entweder mit gewalt zu euch reißt / oder  
betrügglich an euch bringt / oder durch misbrench  
stelet / Oder vnter ein falschen schein widder Got  
vnd recht innen habt / was zu vnterhaltung der  
armen Christen / den wir gram sein / von alters  
her zusamen gebracht ist / Solchs alles wendet  
ihr in ewren eignen nutz / vnd schafft damit ewren  
gefallen / haltet dauon Duren / Müßiggenger /  
Durnwirte / item / Dunde / Sperber / Dabicht /  
Falcken ( so ihr doch viel mehr solchs an arme  
leut wendē soltet ) dieselbē fñrt ihr auff der hand /  
reitet mit dahin / oder tretet sonst auff der gasse  
herein mit ein hauffen diener / gleich als weret ihr  
grosse landsfürsten / Viel anders denn die Priester  
in der erstē kirche / Mit weichen kleidern nach son-  
derlichem forteil zugericht vnd gantz aufferlesen /  
nicht wie jener / der eine rauche Camelshaut an  
hatte / sonder wie der Reiche man / der teglich mit  
purpur vnd köstlicher leinwat bekleidet war.

Ihr bauet köstliche Pallast / wie die Könige  
zu Babylon / so ausbündig vnd schön / das man  
gnug dran zusehen hat / Freß nichts denn eitel  
leckerbislein / trinckt den allerbesten Wein / der mit  
sonderlichem fleis zu aller geilheit zugericht ist /  
Auff das ewre bosheit von euch heraus schmel-  
tze wie das fette. Lebt nicht wie die Priester des  
alten Gesetzes / die Wein vnd starck getrencke ni-  
cht trun-



est truncken/ Auch nicht wie der/ der Deroschre-  
cken vnd wild honig ass/ Sonder wie der Reiche  
man/der alle tage herrlich lebte/vnd darnach inn  
die helle begraben ward/ inn welcher herberg ihr  
auch on allen zweiffel die vornempsten sein solt.

Ihr sammelt schetze von wucher / schendli-  
chem gewinn/ Simoney/ betriegerey/ welche ihr  
durch vnrecht wie die ertzbnben zusammen schlagt/  
nicht wie jener der da sagte/Silber vnd Golt hab  
ich nicht. Ir habt die guldene zeit widder bracht/  
den weg der armut vnd Finsternis habt ihr zu ei-  
ner gemeinen strasse/vnd heerstrasse gemacht.

Du aller angenempste gesellschaft des Teu-  
ffels/welche vns vor zeitten durch die Propheten  
verheissen ist/vnd von alten gezeiten her allezeit  
verdampft ist worden/sintemal dich Christus eine  
schule des Satans genant/vnd durch die grosse  
Babylonische hur bezeichent hat/welche mit den  
Königen dieser erde hurerey treibt / vnd von einer  
stieffmutter der Ehebrecherischen braut Christi/  
geborn ist/ Du Stifterin alles vnglücks / du  
verwüsterin alles gute/du Keiserin der eitelkeit/die  
brüste deiner jugent sind veraltet/vñ wirst vor nie-  
mand schamrod / eine vngerechtigkeit ist wie das  
feyr inn dörnen. Deine erste liebe hastu verlassen  
vnd bist vns teuffeln angehangen/denn du sagst/  
der Herr wirds nicht-erkennen/vnd der Gott Ja-  
cob wirds nicht merckē. Du hast auch andern den  
weg des todes vñ stricke des verderbens geweiht/  
vñ sie vnterricht / das sie sampt dir andere Götter  
anbetē vñ ihñē dienē. Du außersweltte Babylon/  
Ihr bürger vñ mitgenossen/ir aller liebste freunde  
C vnd

vnd gönner/die ihr von Jernsalem hieher gezo-  
gen seid/Billich haben wir euch lieb/Billich emp-  
pfahen wir euch mit freuden / Ihr solt mit vns  
in ewigkeit den Kelch zu Babylon trincken. Dñ  
für den gesetzten Simon Petri / gehet ihr vber/als  
weret ihr taub/wie die schlange / welche ihre oh-  
ren verstopfft / wenn sie den Beschwerer sihet/A-  
ber die gesetz Simon des Zeuberers vrsers beson-  
dern freundes / welcher vnser reich mehr denn an-  
dere erweitem/durch Simoney/aberglauben/böse  
handel/prauarication, betrug/list/subtile finantz-  
gebraucht ihr mehr den der Teufel selbs/ ja mehr  
denn alle Teufel/vnd könt solche meisterstück alle  
miteinander auff ein negelchin / Sitzt in der kir-  
che Gottes/verkauft vnd kauft geistliche güter/  
teilt lehn vnd hohe titel ans widder den befehl  
Christi / entweder vmb bitt/oder gunst/oder gelt/  
(wer am meisten gelt gibt/wird am ersten zugela-  
ssen)oder sonst eines schendlichen diensts halben/  
den euch etwa einer gethan hat/oder noch thun  
soll.

Die reichen fördert ihr gunst halben/die ar-  
men müssen hinter der thür stehen/ob sie gleich  
würdiger vnd gerechter sein . Denn die würdigen  
verstoß ihr/die vnwürdigen erhebt ihr vnwürdiglich  
zu grossen pfründen vnd geistlichen werden/als/  
Durnwirte / lose Buben/Durnhengste / Betrie-  
ger/Verfelscher/ Boschafftige/ ohrenbleser/wel-  
che euch in schalckheit gleich sind vnd beistehen.  
Ewre engkel vnd freunde/oder eigene söne die ihr  
im Durnleben gezeugt habt/erhebt ihr zum Er-  
be des heilighumbs Gottes / vnd gütern des ge-  
crentzigs

creutzigten. Gebt einer groben vnuerstendigen saw  
viel pfünden/lehn/vnd hohe tittel/da ihr einem  
frommen armen gelerten/nicht das allergeringste  
auff seine bitt mittelset/sonder stelt euch gleich als  
wisset ihr nicht was er sagte.

Wie kan doch ein vnuerstendiger Wirte die  
herde des Herrn ansfüren in die weide des worts  
Gottes? Ihr sehet die person vnd geschencke an/  
fragt nichts darnach das geschrieben stehet/ Bey  
Gotte ist kein ansehen der person. Ewre sorg ist auff  
gelt/gut/vnd rendte/nicht auff die arme Seelen.

Aus dem hause Christi habt ihr eine Mörder-  
grube gemacht. Den ewre wütereij geht heimlich  
vmbher/die armen seelen zuuerschlingen/vnd stel-  
let ihn nach wie ein brüllender Lowe in seiner hö-  
len. Aber misbrauch/finantzereij / list/ betrug/  
zwang/wird für ewrem gericht hundertmal mehr  
gebüt denn bey den weltlichen. Ihr macht gese-  
tze/vnd haltet sie selbs nicht/sonder trachtet allein  
darnach/ das ihr die armen schätzen könnet. O  
ihr verlornen Söne / o ihr allerliebsten gesellen /  
das auge des VERN wird ewer nyimmermehr  
verschonen am tage der not. All ewer wesen rich-  
tet vnd ordnet ihr nach vnserm gefallen/Alle löb-  
liche gebrauchte hebt ihr auff / Aber Lotterbübi-  
sche art/ leichtfertigkeit/ geleychter / verhöhnung /  
habt ihr lieb vnd in grossen ehren.

Wir wollen aber euch Seelsorgern/als/ euch  
Bischoffen/ Ertzdiacon/ Dechenden / Priorn/  
Pfarrherrn/diese vnser meynung auch nicht ver-  
halten. Denn ihr seid die ienigen/die bey vns blei-  
ben inn der not. Darumb verordnen wir euch ew-

re wouung/wie sie euch denn von ewigkeit zugericht vnd verordent ist/im grunde der Welle. Denn ihr richtet alle schand vnd laster an/ darin ir vns ein sonderlichen gefallen erzeigt. Ihr seid blinde vnd Blindenleiter / Ligt des nachts in vnflätiger stinckender hurerey / vnd geht des morgens auff dem altar vmb mit dem Son der Jungfrauen. Dabt euch gar auff fressen vnd sauffen ergeben/seid noch nicht halb nüchtern/ grölzt vnd speiet zuuor ein mal/darnach geht ihr hin Mess zuhalten/vnd küsset mit ewrem garstigen stinckenden maul den/ für welches angesicht ihr nicht werd seid/das ihr stehen sollet. Derhalben wird Christus vnser widersacher zu euch sagen/O Iuda verrettestu des menschen Son mit dem kuss? Ich sag aber solchs nicht allein von euch selfsorgern/sonder von euch andern allen/vnsern gelibten/die ihr zu Priesterlicher wurde/entweder ewers bancketirens/ oder müßiggangs / oder hohes standes halbē/oder durch andere schendliche practiken / vnwürdiglich kommen seid/ vnd teglich mit dem leibe des Herrn vnwürdiglich vmbgehet. Derhalben wenn ihr sprecht/Bittet vor mich/ so antwort Christus vnser widderacher/ Dein gebet müße zur Sünde werden. Wenn ihr die wort des Canons leset / so speiet ihr Christo ins angesicht. Wenn ihr den leib segnet vnd erhebt/so schlagt ihr ihn mit ewer Gottlosen faust. Wenn ihr mit ewren sewischen henden den leib Christi angreiffet/so spricht Christus/die hand meins Verretters ist mit mir vber tische. Wenn ihr die Ostia zuteilt/so creutzigt ihr Christum/Wenn ihrs vnwürdig

wirdiglich empfahe / so spricht Christus / was  
hastu für nutz an meinem blut / wenn ich werde  
hinunter steigen zum verterben / das ist / zu deinem  
verdammis?

Denn ihr seid nicht priester / sonder Gottes-  
lesterer / nicht Regierer / sonder Verfärer vnd ans-  
stosser der seelen von dem angesicht des allerhöch-  
sten. O ihr vbeltheter vnd schalcksnechte. O ihr  
seelmörder / wie wolt ihr dem Zorn Gottes emp-  
fliehen der vber euch kommen wird? Was wolt  
ihr für rechenschafft geben von ewrem ampt am  
tage des wütenden zorns vnser widdersachers /  
des Herrn? Denn werdet ihr anheben zusagen  
zu den bergen / fallt vber vns / vnd ihr hügel be-  
deckt vns. Denn wo wolt ihr hin fliehen? Oder  
wer wil stehen euch znentschuldigen? vnzelich viel  
ankleger werdet ihr wol haben / aber keinen ent-  
schuldiger. Denn wird die zeit der vergeltung vnd  
rach kommen. O ihr elenden / Elender denn E-  
lende.

Darumb geben wir euch diesen heilsamen  
rath. Wartet ewer auffß beste / vnd lebt nach all  
ewers hertzen lust / weil ihr noch zeit habt. Denn  
wir wollē für euch stehen / das ihr vnter den schat-  
ten vnserer flügel gesammelt werdet / vnd soll kein  
har von ewrem kopff bey vns verloren werden.  
Den durch ewre bosheit habt irs so fern bracht /  
das die leut itzt auffß höchst am glaubē zweifeln /  
vnd ob ihr ihn zu zeiten gleich etwas vorpredigt /  
welchs doch mit grossen vnflies vnd selten ge-  
schihet / so glauben sie es doch nicht / Sintemal sie



öffentlich sehen / das ihr das widerßpiel thut.  
Den ihnen legt ihr almosen/opferung/Messen/  
vnd dergleichen auff/damit eure schalckheit vnd  
bosheit ersettigt vnd erfüllet werde/Ihr aber gebt  
selten/ja gar selten/almosen/fastet selten/vnd der  
gleichen. Vnd ob sichs gleich bisweilen zutregt/  
das ihr Mess haltet/so thut ihrs doch nicht aus  
andacht/sonder von gewinst oder gewonheit we-  
gen. Ihr seid erger den Judas/denn er verkauffte  
Christum vmb dreissig Silberlinge / Ihr aber  
tragt Christum feil / es sey auff der gasse / auff  
dem marckte/oder wo es will/vmb einen gröschē/  
Sagt gleich wie Judas/Was wolt ihr mir ge-  
ben/so will ich euch eine Mess singen / So wer-  
den sies mit euch eins/vnd gereden euch einen gros-  
schen. Sehet doch selbs wie gering achtet ihr  
Christum: das ihr ihn für einen groschen opffern  
dürffet. Darumb stehet von euch geschrieben. Er  
wer opffer vnd brandopffer will ich nicht/denn es  
ist ein gewewel für mir.

Wiedurch gebt ihr den Leien/welche auff  
euer exempel nicht mit geringem verterb ihrer see-  
len bawen/vrsach/ das ihrer viel euch nachfol-  
gen/in gleiche straff fallen/vnd sagen/Wo vnse-  
re gute stallbrüder die geistlichen bleiben/da wol-  
len wir auch bleiben/Denn wir werdens nicht  
alleine sein/die die Dell verschlingē wird. Solche  
verzweiflung kömpt von euch her / die ihr den  
seelen vorstehet. Drumb leufft jtz teglich eine gros-  
se schar in abgrund der helle. Denn neben an-  
dern verkert ihr auch vnbillicher weise vnd ver-  
seumlich den gebrauch der Sacrament inn ein  
mis-



misbranch. Die Sacrament sind für die gleybi-  
gen eingesetzt vnd durch Christum gegeben/Ihr  
aber gebt sie one vnterscheid / denn öffentlichen  
wucherern/Durntreibern/denen die in öffentlich-  
en sünden vnd lastern stecken / Kettern / Rottengei-  
stern/vnd jedermane der nur gelt ringt oder sonst  
etwas von seinem gute euch mittheilet/Auff das  
ja ewer wort füllet werde/da ihr sagt/Gebt vns/  
So beten wir für euch.

O du arges verkartes geschlecht / welchs  
wir allezeit gern fördern vnd lieben / Itzt ist dein  
Golt in schlacken verwandelt/vnd dein wein mit  
wasser vermischet worden.

Solche büberey vbet nicht allein ihr seelsorger/  
sonder es vbens auch die jenigē/die vnterm schein  
der Religion vnd geistlichen Kleidung hergehen/  
als die man Brüder nennet mit dem namen/aber  
nicht mit der that/welche ihr Bettelmünche hei-  
ßet. Denn sie haben vmb Christus willen abge-  
sagt/nicht den weltlichen lüsten/sonder der arbeit  
vnd vnruhe. Sagen/sie haben nichts eigens/son-  
der alles gemeine/So aber einer zu ein solchen/  
der da sagt/er habe die zinse vñ einkommē von der  
gemeine wegen vnd teile sie inn die gemeine aus/  
sagte/Er solte sie inn die gemein teilen / so würde  
er bald antworten/halt still/das ist mein. Item  
wenn einer begert das sie ihn annemen sollen inn  
ihren orden/fragen sie flux/Wie viel kanstu ge-  
ben?vnd machen ein geding mit ihm/ehe sie in an-  
nemen. Doch wolten sie solchs gern vermenteln/  
vñ sprechen/Sihe/wir sind arm/vnsere wonung  
Kirch vnd Closter sind bawfellig / solch geld  
rech

rechnen wie auff den baw vnd besserung vnser  
Kirche/vnd vnterhaltung des gesindes. Wir be-  
halten nichts danon/Den wir müssen dem schu-  
ster eine marck / dem schneider eine marck / dem  
Balbyrer eine marck etc. geben.

O ihr lieben brüderlein / ihr sollt allezeit die  
vornempsten in vnserm pallast sein / vnd allezeit  
für vnsern augen stehen. Denn ihr erzeiget euch  
one vnterlas willig vnd gehorsam / in allem das  
vnser Maiestat vnd wütige tyranny gebent. Den  
welche ihre eigne Pfarrherrn / der grossen laster  
halben vmb gelt nicht wissen zu absolviren/etc.  
die nempt ihr alle miteinander an/Schempt euch  
gar nichts auff eines andern Wiese zu grasen/  
schreiet stets/Kompt herein/ihr Diebe/Mörder/  
Strassenreuber/Wucherer/Wurnwirte / Kinder-  
diebe / Vbeltheter / Ketzer / Rottter / Ehebrecher/  
Wurnjeger etc. vnd dergleichen Teuffels gesind-  
lein mehr/das ich nicht alles erzelen kan. Also  
seid ihr vnser liebsten auserwelten/nicht Vürten/  
sonder Diebe vnd Mörder / denn ihr gehet nicht  
in den schaffstall durch die thür/sonder durch  
andere wege/vnterstehet euch des/das euch nicht  
befohlen ist / Gebrauchet euch des/das euch inn  
keinen weg zugehört. Vornemlich aber laßt ihr  
euch vernemen / das ihr die leut/ geschenck vnd  
gaben halben/von allen banden entledigen könt/  
Wenn sie denn sagen / es sey ein fall/der für den  
Bischoff oder ein grossen Herrn gehöre/so ant-  
wortet ihr/ Ja es ist wol war/ Aber wir haben  
Bebstliche gewalt/welche grösser ist denn die an-  
dern alle etc. Also betriegt ihr die leut/vnd nicht  
vnbillig

unbilllich/denn Absoluit ihr sie gleich nicht von  
sünden/so quitirt ihr sie doch vom gelde.

Wir aber danken euch vnd ihnen höchlich/  
wolle euch auch zu seiner zeit darumb wol lonen.  
Denn inn der höhe werdet ihr one zweifel nicht  
wonen/sintemal ihr ewre hende nicht enthaltet  
von geschencken / vnd ziehet durch ewer geplaus  
der / ohrenblasen / vnd falsche lehr/die leut von  
ihren eignen priestern zu euch / Ist nicht sünd  
vnd schande? Ihr macht one vnterlas / erdichte  
vnd lange gebet aus falschem hertzen. Denn es  
siehet geschrieben/Die volck ehret mich mit seinen  
lippen/Aber ihr hertz ist weit von mir.

Weh euch Weuchlern / weh euch Pharisern.  
Ewre sünde soltet ihr beweinen/vnd die seelen mit  
frieden lassen. wie können ihr fremdbe emppter ver  
walten / so ihr euch selbs nicht könnt vorstehen?  
Ewre regel die ihr gelobt habt/erfüllet ihr damit/  
das ihr drinnen seid/Wabt aber daneben/wie der  
finantzer art ist/durch list vnd gaben so viel Dis  
pensation vnd freiheit zuwegen bracht / das ihr  
nicht den geringsten punct ewrer Regel haltet. Es  
werden euch aber solche dispensation vnd freihai  
ten nicht helfen/denn sie können keine sünde ent  
schuldigen. Doch ihr habts klüglich angefan  
gen/ vnd habt euch fein gewenet / fart nur fort.  
Denn ihr sendet teglich aus allen geschlechten vñ  
sende die vnter dem himel sind/so viel seelē herun  
ter/ das wir sie nirgent lassen können/wenn vnser  
ungeheworer/ vnersettiger / Wellischer Trach / ni  
cht mit tausentmal tausent rachen an allen enden  
auffschnappet vnd einschlänge.

D

Das

Das größte teil vnser reichs ist durch euch re-  
formirt vnd widder in schwang gebracht/ vñ der  
vntregliche schade den wir zuuor empfangen/ist  
widder erlegt worden / Denn ihr bemühet euch  
tag vñ nacht vnser Hellsche gefengnis vnd stö-  
cke zu erfüllen/Sprecht zu vnserer Welle / Spere  
deinen rachen weit auff/wir wollen ihn erfüllen.

Darumb erkennen wir vns/dieser vnd vieler-  
ley vrsachen halben schuldig/euch gunst vnd gu-  
ten willen zuerzeigen. Vermanen aber nichts desto  
weniger/ Ihr wollet auff ewrem vornemen ver-  
harren vnd fortfaren / vnd wollets ja je lenger je  
erger machen/wie ihr denn bisher alle zeit gethan  
habt. Denn wir wollen euch nicht verhaltē/das  
wir willens sein / die gantze Christliche Religion  
durch euch zuuertherben vnd ergerlich zumachen/  
vnd die gantze welt vnter vnser Jurisdiction vnd  
dienstbarkeit widerumb durch euch zubringen /  
durch euch/sagen wir/denn wir selbs können jtz  
persönlich nicht bey euch sein/ der grossen menge  
halben der seelen/ die vns teglich von euch herin-  
ter gesand /vnd mit mancherley marter gepeinigt  
müssen werden. Darumb befehlen wir euch/ew-  
rer vberschwentliche bosheit halbē/vnser ampt/  
das ihr solchen hellischen Teuffels Process / wie  
ihr wol wisset/halten wollet/Vnd wölle derhal-  
ben das ihr Rappēbrüder (sintemal ihr aller bos-  
heit voll seid)vnser Statthalter auff erden vnd die-  
ner sein sollet.

Wir wissen euch auch nicht zubergen/ das  
wir gesinnet sein / inn kurtze den Antichrist in die  
welt zuschicken/welchem ihr den weg bereit habt/  
vnd

vnd noch täglich bereitet. Doch nach vnserm rat/  
gunst vnd beistand/schickē wir euch zumor/als die  
vornehmsten vnser liebe getrewe Redte/die da  
listig/verschlagen/vnd betriegerisch sind/Wie ihr  
denn noch bisher treulich/durch meuterey/böse  
eingeben/vnd falsche fündlein an vns gehalten  
seid.

Aber das raten wir auch/euch/die ihr in der  
höchsten Dignitet vnd würde sitzet/vnd S. Peters  
sitz inne habt / ihr wollet wol zusehen vnd euch  
bemühen/zwischen weltlichen Fürstē vnd Herrn/  
ein falschen friede zumachen/vnd euch doch als  
le zeit sein vnterm hütlein das die Pawern nicht  
mercken/vrsachen vorbehalten/ Krieg vnd blut-  
vergießen zuerregen / vnd wie ihr das Römische  
Reich durch list habt verstorrt/also wollet ihr auch  
kein reich mehr zu starck vñ mechtig werdē lassen/  
auff das sie nicht/wenn sie friede haben vnd me-  
chtig sind/ewre misbrench vnd bosheit betrach-  
ten/vnd sich vnterstehen ewren stand zu reformi-  
ren/vnd die schetze von euch zunemen / die wir  
euch/dem künfftigen Antichrist zu gut/zunuerwa-  
ren befohlen haben .

Wir besorgen vns aber nicht /das ihr euch  
durch diese öffentliche Schrifften werdet bewege  
lassen von vns abzuweichen / oder den weg der  
Busse zuergreiffen/ damit ihr von solehem bö-  
sen auffhöret. Denn wir wissen furwar/das die  
verstockten/ wenn mann sie strafft vnd ihre bos-  
heit auffdeckt / viel verstockter vnd boshafter  
werden. Zu dem auch / weil ihr vnd ewers glei-  
chen/euch durch so viel böse thaten mit vns ver-  
bunden



buhden vnd vnser böshait als ein Kleid angezogen  
habt/so zweifeln wir gar nicht/ ihr werdet vnsern  
willen der allezeit böse ist/hinfort erfüllen/wie das  
bisher treulich geschehen.

Weil wir nu/wie zuvor angezeigt/ bey voll-  
bung vnd execution dieses vnser befehls/ ande-  
rer schwerer geschefft halben / nicht allezeit per-  
sönlich sein können/so befehlen wir allen/sämpt-  
lich vnd sonderlich/euch/welche dieser vnser he-  
ilicher Process zusiehet vnd vbersendet wird / vor-  
nemlich aber euch Geistlichen Vetern der Kirche  
vnd Priestern / die ihr inn denn höchsten Würden  
vnd digniteten sitzet/sampt andern geringern/pre-  
laten/Bischöfen/Ertzdiacon/Cantorn/vnd an-  
dern geistlichen/in sonderheit aber die ihr in geis-  
tlichen sachen Richter seid / der gleichen allen an-  
dern/welche der nachberürte handel betrifft/als/  
Mönchen/Pfaffen/Priestern/Cleriken / Kriegs-  
leuten vnd Edelleuten / Bürgern/ Kaufleuten/  
Handwergslenten/Bawrn/Knechte vñ Darn/  
Item/den reichen weibern/vnd allē/wes wefens/  
wurden/oder standes sie sein/ diese vnser nachge-  
schriebene Töchter / die wir euch zur Ehe geben /  
das ihr euch tag vnd nacht mit ihnen hertzet vnd  
küffet/ als/ die Simoney/ Gletsnerey / Heuberey/  
Wucher/Betrug/Liſt/Finantzerey/Practicken/  
Verhönig/Strassenrauberey/Falschheit/Doffart/  
Geitz/Vnkeuscheit/Zorn/Füllerey/Meid/Vnſleiß/  
sampt andern ihren schwestern vnd lieben gespie-  
len.

Den obersten in der Christlichen Kirche / als  
dem Papst/Cardinelen / Patriarchen / Ertzbi-  
schöfen/



schaffen / Erzdiacon / Dechande / Pröpst / Thum  
herrn / vnd andern so fort an / befehlen wir vor  
nemlich vnser tochter / Fraw Simonia / welche  
euch gemacht / erhöhet / vnd mit ihren eignen brü- <sup>Simonet</sup>  
stern gesenget vnd erneret hat. Dieselbe solt ihr ni- <sup>heist</sup>  
cht Simoney oder Sünde nennen / sintemal alles <sup>durch</sup>  
erwer ist / vnd ihr solchs verkuffen könt aus vol- <sup>gunst vñ</sup>  
kommenheit ewer Gewalt / Denn von dem ewren <sup>gelt zu</sup>  
wirds genommen / von dem ewren wirds bezalet. <sup>grosser</sup>  
Ihr solt auch vnser tochter fraw Doffart / für <sup>Prelatur</sup>  
keine hoffart halten. Denn ewer stand bringet <sup>vnd geist</sup>  
solche pracht mit sich / Vnd weil ihr vnser mituer <sup>licher wir</sup>  
wandten vnd gesellen seid / vnd wir allezeit oben <sup>den zufo</sup>  
an sitzen vnd die obersten haben sein wollen mit <sup>men.</sup>  
ehrgeitzigkeit vnd hoffart / so machet ihr euch  
billich vns darinn gleichförmig. Ihr seid auch  
nicht geitzig. Denn alles was ihr sammelt oder  
sonst an euch bringt / das kömpt S. Peter oder an  
dern ewern heilige Patronen zu gut / vnd wird ver  
tebtingt vnter diesem rechtmessigen schein / das ihr  
solchs der Kirche vnd Patrimonio Christi zu gute  
thut.

Wenn ihr ewre gefreundten für andern from-  
men leuten hervor ziehet / so habt ihr das ansehen /  
als folgetet ihr Christo. Den gleich wie Christus  
sine freunde vnd bekanten zu eim armē geringen  
stande förderte / also auch ir (als vnser brüder vñ  
gesellen) erhebt die ewren zum stande der hoffart /  
Jene haben alles verlassen / Ewers nemens aber  
ist kein mas noch ende / geschibets nicht mit der  
that / so geschibets doch mit dem willen.

Dann kan euch auch nicht für neidisch vnd ab  
günstig

günstig haltet/den es were euch leid/das ander leidet  
etwas haben solten/ sie möchten sonst stoltz wer-  
den. Es kan auch niemand sagen/das ihr vnflät-  
sig vnd faul seid/denn ihr verschont der erbeit dar-  
rumb/das euch nicht jemand schuld gebe/ das  
ihr gar kein vnterscheid haltet zwischen euch vnd  
den Dreschern. Wer will euch schlechter nennet  
sintemal ihr ewren leib erhalten müßet / auff das  
ihr stark werdet vnd der Kirche desto besser dienen  
könnet. Vnkusch könnt jr auch nicht genant wer-  
den/denn ihr thut nur eine zeit lang/ das ihr die  
last büßet vnd ewre junge tage ergötzet/ Seid aber  
inn dem vornemen / das ihrs darnach ernstlich  
büßen wollet. So kan euch auch niemand zorn-  
ig schelten/Denn ihr wollet das böse nicht lei-  
den. Auff diese weise könnt ihr euch in allen andern  
sücken auch entschuldigen.

Befleißiget euch auch/das ihr ein gros anse-  
hen habt vor den Leuten/ auff das ihr desto besser  
vnter solchem schein ewre vntugent vermenteln vñ  
vollbringen könnet/vnd habt ja acht/das ihr ab-  
les anziehet vnd glosieret / wie es ewrem stande  
dienstlich sein will / Auch allezeit ewre würdigkeit  
vorwendet / vnd ja niemand ichtes widder euch  
sagen lasset. So aber einer widder euch oder die  
ewren predigen oder leren würde/ oder sich gegen  
euch aufflenen/ denselben thut in Bann / vnd  
drückt ihn mit gewalt vnter / vnd verdampt ihn  
als ein Ketzer. Vnd keret nur fleis an/ das ihr ja  
den guten ort bey vns verdienet/welchẽ wir euch  
zubereit haben im aller tieffesten abgrunde vnserer  
wohnung/dahin noch niemand je komen ist/ denn  
alleine

allein die grossen Lantvögte vnser̃s reichs. Auch  
aber ist er sonderlich zugeeigent.

Wir hetten aber schier eins vergessen/Ir seid  
vns vor allen dingen auch darumb sonderlich  
lieb/das ihr euch inn vnehrliche/boshafftige vñ  
sonderlich in frembde spiel menget /als da sind /  
breitspiel vñ würffelspiel / darauff ihr so geitzig  
seid /das ihr ewer ampt gar drüber ligen lasset /  
fürcht euch auch nicht für ewren Decreten / die  
da sagen/Clericus alea aut taxillorum ludo deservit,  
aut deficiat, aut deponatur, Ein Clerick der mit bret-  
spiel oder würffeln vmbgehet / soll entweder da-  
von ablassen oder vom ampt gestossen werden /  
denn alle die sich auff obgenante würffelspiel be-  
schleiffen/oder sonst mit würffeln werffen/oder teil-  
hafftig vñ zuseher derselben sein/ oder die rech-  
nung machen/sind alle in die ewige pein verord-  
net.

Denn in den spielen werden zehenerley sünde  
begangen. Erstlich ist da verlangen nach vnehrli-  
chem gewinst/Sihe da/ da hastu vnser̃e Tochter  
die Begierlichkeit. Zum andern/ein böser wille dem  
nächsten vñb das seine zubringen / da ist Raub /  
welcher nicht vergeben wird/Es sey denn das du  
das geraubte gut widder gibst. Zum dritten/gro-  
sser wucher/ denn mit einem pfenning kauftu ei-  
nen tag tausent gewinnen/Summa Wucher vñd  
Erlegerey kömpt nicht von ewer strassen. Zum  
vierten/lügen vñd boshafftige wort. Zum fünff-  
ten/ Mord vñd falsch gezeugnis / Denn der  
mund der da leugt/tödtet die Seele. Zum sechste/  
Botschloftung vñd vermaledeyung Christi vñd  
der

der heiligen/Siße da/Lezerey. Zum siebenden/  
verterblich des nehsten der da kömpt vnd zusiße.  
Denn wer ein andern böse exempel gibt/ist zwische-  
cher straff schuldig. Zum achten verachtung der  
Kirchen gebot. Zum neunenden/verlierung der zeit.  
Zum zehenden betriegerey vnd zanc / welche die  
solchen spielen nicht ausbleiben.

Was aber weiter vnehrliche weltliche sachen  
betrifft/ die euch verboten sind/da ihr teglich mit  
vmbgehet/davon ist vnnötig zusagen/ denn wir  
Wellischen Fürsten lassen vns daran genügen /  
das ihr nichts mit rechter andacht thut / was  
euer Ampt mit sich bringt. Denn ihr vnser gute  
frennde vnd gesellen/hoffet auff keine zukünfftige  
belonung / fürcht euch auch nicht für der ewigen  
straffe. Darumb habt ihr das leben / welchs ihr  
glenben solt/ nicht/ sonder werdet mit vns den  
ewigen todt behalten.

So wollen wir nu vnser andere töchter/nem-  
lich Jungfraw Gleisnerey/allen geistliche befe-  
len/welche ihre heiligkeit auff der Platte vnd Klei-  
dung tragen/die doch kaum zuspüren ist/ im her-  
zen aber vnd im werck haben sie gar nichts/dar-  
umb wollen wir sie mit diesem ampt verehren /  
das sie vnser Talefactor sein sollen.

Die dritte tochter/nemlich Xenberey/habē wir  
den Edelenten/Kriegsleuten vnd den liebē Schnap-  
hanen vertrawet/welche/dadurch das sie die ar-  
men vnterdrücken/beraubē/vnd frembd gut zu  
sich reißen/zu Erdrenbern werden/vnd vber das/  
das sie im zeitlichen Bann nach den rechten sein  
sollen/auch mit ewiger pein mit vns sollē gemar-  
tert werden.

Die

Die vierde tochter / nämlich fraw Mucher/  
geben wir den reichen Bürgern vnd müßiggan-  
gen/die ihr gelt ander leuten leihen/auff das sie  
dadurch theilhaftig werden/nicht der arbeit/son-  
der des gewinnes / nicht des schadens/ sonder  
des nutztes.

Die fünffte tochter/Betriegerey/ sampt ihrer  
gespielen/nemlich Lügen vnd Meineid/geben wir  
in besonderheit euch ihr lieben händler / Kaufleut  
vnd ewers gleichen / denn ihr macht doppelte ge-  
wicht/Ein kleines da ihr mit verkauft/Ein gro-  
ßes da ihr mit einnempt. Ihr legt auch ewre  
Wahr an tünckle örter mit kleinē fensterlein/auff  
das der Käußer den wandel an der wahr nicht se-  
hen könne / Weh euch zu jener zeit.

Die sechste tochter/Kirchenreuberey/wiewol  
sie in gemein bey allen ist / doch befehlen wir sie  
euch obgemelten vnd den Paurn/welche die zeh-  
enden/so sie der Kirche schuldig sind/entziehen/  
vnd auff die Ecker oder Kirchengüter vergraben.

Die siebende tochter / junckfraw Falscheit  
vnd Vntrew/geben wir den Knechten vnd Meg-  
den/welche ihrer Herrn güter verfeumt/oder ver-  
toben/oder steelen/oder vnnützlich vmbbringen.

Die achte tochter/vnsere schöne trante fraw  
Doffart/geben wir vornemlich den reichen Wei-  
bern/die etwas neues auffbringen / vnd sonder-  
liche schöne Kleider tragen wollen. Denn so sie  
sehen/das ihre Nachbarinnen etwas neues ha-  
ben/lassen sie ihren mennern weder tag noch nacht  
rage/bis sies von ihnen auch zuwegen bringen/  
Sprechen/die mennern haben sie nicht so lieb/wie  
die andern mennern ihre weiber. E Dn



Unsere n. unde tochter aber / Frau Unzucht /  
vertrauen wir allen inn gemein / denn wir wollen  
das sie one vnterscheid bey allen sein sol / aber son-  
derlich bey den geistliche. So wollen wir nu / alles /  
was ihr vnsern obgemelten tochteren sampt ihren  
schwestern vnd gespielen thun werdet dermassen  
von euch annemen vnd erkennen / gleich als were  
es vns selbs geschehen / verheissen euch auch wid-  
derumb zudienen zur ewigen verdammis / das solt  
ihr euch on allen zweiffel zu vns versehen.

Geben / mitten inn der erde / in vnserm finstem  
Pallast / da keine ordnung / sonder ewig heulen  
vnd zeentlappern wonet. Da ist vnaussprechliche  
Kette / vnaussprechlich ferox / vnleidlicher gestand /  
der vnsterbliche wurm / finsternis die man greiffen  
kan / geisseln der Peiniger / Teuffels gesichte / Eine  
menge sündler vnternander vermischet / vnd ewige  
verzweiflung / daneben viel hundert tausent regi-  
ment teuffel / sonderlich zu vnserm schmerzlichen  
Nichtstul requirirt vnd erfordert / das sie neben vn-  
serm hie angehengten siegel zeugen sein sollen / das  
alles also gewislich ergehē sol / wie wir alhie ge-  
schrieben habē. Gehabt euch wol / vnd habt so viel  
glück als wir euch wünschē vnd ewiglich ge-  
ben wollen / Amen.

Am ende dieses brieffs stund.

also geschrieben.

Anno Dommini 1410. In dicatione septima, den  
fünfften tag Aprilis / ist dieser brieff zu Florentz /  
dem Herrn Joanni / des Babsts Joannis des 22.  
dieses

dieses names/Referendario vberantwort worden/  
durch einen Cortisanen/welcher bald nach  
vberantwortung dieses brieffs/ entrun-  
nen ist.

Gedruckt zu Magdeburg bey  
Christian Ködinger.